



Nunatsinni sanaartornikkut suliffeqarfiutilinnut mikisunut angivallaanngittunullu sanaartornikkut aningaasalersuutigullu annertunerusumik akuutitsisinnaanerat pillugu apeqquteqaat aallaavigalugu oqallinnissamik siunnersuut.

(Inatsisartuni ilaasortaq Doris J. Jakobsen, Siumut)

Inatsisartuni ilaasortamuut Doris J. Jakobsen, Siumut qujanaq, apeqquteqaat aallaavigalugu siunnersuuteqarmat.

Demokraatit angorusuppaat, aningaasaliissutit amerlanerpaat sanaartornermut atorineqassasut, pitsaassuseq akiginngikkaluarlugu. Taamatullu angorusupparput, illoqarfinni suliffeqarfiit sanaartornermi sapinngisamik annerpaamik akuutinneqarnissaat.

Taamatut oqareerluta, nassuerutigisariaqarparput, sanaartugassat ilaat, annertuvallaartut, sanaartornermik suliaqartunit mikisunit annerumaanilluunnit ingerlanneqarnissaminnut. Tamanna tunngavigalugu pingaartuuvoq, eqqortumik oqimaaqatigiisitsinissaq. Siunnersuuteqartup saqqumiuppaa, qulakkiissagippup, suliaqat amerlanerit suliffeqarfinnut minnernut annerumaanullu tunniunneqartarnissaat. Tamanna iluarinarpoq, pingaartuuvorli, taanna eqqarsaat uniffigiinnassanngikkippup. Akiame aamma eqqarsaatigisariaqarparput, aningaasaliissutinut sanaartornerit amerlanerpaat qulakkeertariaqaratsigit.

Tamanna tunngavigalugu Demokraatit isumaqarput, pingaartuuvoq, ukkatarinninnissarput assigiinngitsunit qimerloortariaqaratsigu, pisortaniit sanaartugassat oqaluseritillugit. Siullermik uatsinnut pingaartuuvoq, sanaartugassat tamaasa pitillugit qulakkeernissaa, sapinngisamik suliffeqarfiit nunaqavissut amerlanerpaat atorinissaat. Tassungalu ilutigalugu qulakkiissavarput, suliffeqarfiit inuiaqatigiinnut akisussaaqataanissaat, aammalu inuusuttunik ilinniartitsinermit peqataanissaat suliamik tigusaqaraagamik praktikkertussanik tiguisarnermikkut.

Taassuma saniatigut Demokraatit siunnersuuteqartoq isumaqatigaat oqarmat, sanaartornermi soqutigisaqartut oqaloqatiginissaat aallartittariaqartoq suliffeqarfinni unamminartitat suunerisa aaqiivigineqarnissaallu siunertarlugu, taamaaliornitsigut aningaasaliissutinut sanaartorneq annertunerpaaq anguniarlugu.

Tassa Demokraatit oqallinnermut tunniussassarigallangaat.